



# UHURU



Na. 3,231

JUMAMOSI, JANUARI 25, 1975

Bei Senti 30

Salim awaambia wanachuo:

## Ukombozi ni jukumu la wananchi

Na Joe Nakajumo

**UHURU** katika makoloni utapatikana tu kutokana na juhudi za wananchi wenyewe na wala hautaletwa na Umoja wa Mataifa ambao msimamo wake katika suala hilo ni kuhimiza tu shughuli za ukombozi, Mjumbe wa kudumu wa Tanzania kwenye Umoja wa Mataifa, Ndugu Salim A. Salim alisema mjini Dar es Salaam juzi usiku.



NDUGU SALIM

Ndugu Salim ambaye alikuwa akiwahutubia wanafunzi na walimu wa Chuo Kikuu cha Dar es Salaam juzi jioni juu ya wajibu unatekelezwa na Umoja wa Mataifa katika kuondoa ukoloni. Alisema hata siku moja hatatokea kwa Umoja huo kwenye katika koloni fulani na kutoa uhuru kwa mabavu. "Kazi ya kutwaa uhuru itafanywa na wazalendo wenyewe na Umoja wa Mataifa utakuwa ukiwahimiza na kuwauunga mkono tu wananchi hao katika harakati za kujikomboa", alisisitiza Ndugu Salim.

Mjumbe huyo wa kudumu ambaye pia ni Mwenyekiti wa Kamati ya mataifa 24 ya Umoja huo inayoshughulika na kuondoa ukoloni, alisema kazi ya kamati hiyo ni kusisitiza utekelezaji wa lengo lake la kuondoa ukoloni, na kuyashawishi mataifa mengine kuingia katika mkondo wa kuondoa ukoloni.

Ndugu Salim alieleza pia kwamba katika makoloni mengine madogo mengi yao yakiwa ni visiwa vidogo vyenye watu wachache sana, wakoloni wanaotawala makoloni hayo wanakuwa vichwa ngumu kwa kudai kwamba watu wachache namna hiyo hawawezi kupewa haki ya kujitawala. Kutokana na hali hiyo, Ndugu Salim alionya kwamba haki ya kujitawala ni kwa wote, liwe taifa dogo lenye watu wachache au lenye mamihoni ya watu.

Mjumbe alieleza ugumu mwingine wa kuondoa ukoloni unaosababishwa na mataifa makubwa kwa kuvunja vikwazo vya Umoja wa mataifa dhidi ya tawala dhahimu na akatoa mfano wa Marekani ambayo ni mwanachama wa Umoja wa Mataifa iliyokubali kuwekeza vikwazo vya biashara utawala haramu wa Rhodesia, lakini inashiriki katika kuvivunia vikwazo hivyo.

Alisema nchi za Afrika, Latin Amerika na Asia, zina imani na kuheshimu maazimio ya Umoja wa Mataifa kuliko yanavyofanya mataifa makubwa. Aliongeza kwamba baadhi ya mataifa yaliyo na wajumbe wa kudumu katika Baraza la Usalama yana hisa huko Namibia.

Ndugu Salim alisema Umoja wa Mataifa unapata ushirikiano mkubwa kutoka New Zealand na Australia katika juhudi za kuondoa ukoloni katika visiwa vinavyomilikiwa na nchi hizo katika bahari ya Pacific. Aliongeza kwamba Ufaransa ambayo pia inamiliki visiwa vyake huko pamoja na koloni la Ufaransa la Somalia, haina ushirikiano hata chembo

kwan inayanesabu makoloni hayo kama ni majimbe yake ya ng'ambo.

Alieleza kuwa mwaka huu unafanana kwa kuwa na mafanikio na mwaka 1960 wakati ambapo nchi 15 za Kiafrika zilingia kwenye uanachama wa Umoja wa Mataifa na mwaka huu kuna mategemeo ya Msumbiji, Angola, Muungano wa Guinea-Bissau na visiwa vya Cape Verde, Sao Tome Seychelles na Comoro, kuingia kwenye Umoja huo baada ya kupata uhuru.